

des principaux du país, qu'on tiendra dans des Seminaires bien fermez, qu'on eleuera en la foy Chrestienne, & qui seruiront d'hostages aux François, contre les courfes & contre les entreprises de ces Barbares, qui n'ont autre loy que celle de leur interest.

Voicy encore vne autre bonne nouvelle & bien certaine. Les Algonquins des país plus hauts, dont nous auons parlé cy-dessus, ont enuoié quelques canots chargez de pelletterie vers les François, avec parole de venir au nombre de cinq cent hommes l'an prochain, equippez en guerre & en marchandise. Ils fouhaittent des Peres de nostre Compagnie, pour aller porter la foy dans leur país, & dans ces grandes Nations, dont nous auons fait mention. Si le Demon ferme vne porte, Dieu en ouure vne autre. On écrit qu'il se prepare déia de braues ouuriers, pour porter l'Etendart de IESVS-CHRIST dans ces vastes contrées: *fiat, fiat*. Pour conclusion, ie diray en finissant cette Relation, que nonobstant les guer-